



Broj: 194/22  
Brčko, 12.10.2022. godine

Na osnovu člana 9. Statuta Razvojno-garantnog fonda Brčko distrikta BiH, broj 105/10 od 03.08.2010. godine, broj 235-2/12 od 19.10.2012. godine, broj 110-3/18-015-1/19 od 15.01.2019. godine, broj 116-1/19 od 04.07.2019. godine, broj 078-1/21 od 11.03.2021. godine i broj 215-4/21 od 14.10.2021. godine, te u skladu sa Odlukom o raspisivanju Javnog poziva za sklapanje ugovora o finansijskim uslugama vezanim uz kreditne garancije, broj: 192-1/22 od 10.10.2022. godine, Razvojno-garantni fond Brčko distrikta BiH raspisuje:

## JAVNI POZIV

### za sklapanje ugovora o finansijskim uslugama vezanim uz kreditne garancije

Pozivaju se komercijalne banke, da ukoliko žele da sa Razvojno-garantnim fondom Brčko distrikta BiH sklope ugovor o finansijskim uslugama vezanim uz kreditne garancije, podnesu prijavu za sklapanje ugovora Razvojno-garantnom fondom Brčko distrikta BiH.

**I. Predmet:**

Sklapanje ugovora o finansijskim uslugama vezanim uz kreditne garancije za mala i srednja preduzeća, samostalne preduzetnike i registrovana poljoprivredna gazdinstva.

**II.** Sa komercijalnim bankama koje podnesu prijavu po Javnom pozivu, Razvojno-garantni fond Brčko distrikta BiH će zaključiti ugovor o finansijskim uslugama vezanim uz kreditne garancije.

**III.** Pravo učešća na javni poziv imaju sve komercijalne banke u Bosni i Hercegovini, koje su registrovane ili imaju poslovne jedinice (filijale, ekspoziture) u Brčko distriktu BiH i koje su pozitivno poslovale u 2021. godini.

Pravo učešća na javni poziv nemaju komercijalne banke koje već imaju zaključene ugovor o finansijskim uslugama vezanim uz kreditne garancije sa Razvojno-garantnim fondom Brčko distrikta BiH i koje su negativno poslovale u 2021. godini.

**IV. Uz prijavu na Javni poziv potrebno je da komercijalne banke dostave slijedeće:**

1. izvod iz krivične evidencije nadležnog suda da u krivičnom postupku nije osuđena pravosnažnom presudom za krivična djela organizovanog kriminala, korupciju, prevaru ili pranje novca, u skladu sa važećim propisima u Bosni i Hercegovini ili zemlji u kojoj je registrovana;

2. izvod ili potvrda iz evidencije u kojim se vode činjenice da nije pod stečajem ili nije predmet stečajnog postupka, osim u slučaju postojanja važeće odluke o potvrđi stečajnog plana ili je predmet postupka likvidacije, odnosno u postupku je obustavljanja poslovne djelatnosti, u skladu sa važećim propisima u Bosni i Hercegovini ili zemlji u kojoj je registrovana;
3. potvrde nadležne poreske uprave ili izvod iz evidencije na osnovu kojih se može utvrditi da redovno izmiruje obaveze za penzijsko i invalidsko osiguranje i zdravstveno osiguranje;
4. potvrde nadležnih institucija o uredno izmirenim obavezama po osnovu direktnih i indirektnih poreza.
5. Izvod iz sudskog registra ili Rješenje o upisu u sudski registar za centralu;
6. Dozvola za rad izdata od nadležne Agencije za bankarstvo (ovjerena kopija);
7. Finansijski izvještaj za 2021.godinu (bilans stanja, bilans uspjeha, tok novca i izvještaj o kapitalu), - ovjerene kopije,
8. Skraćeni izvještaj nezavisne revizije za 2021. godinu (ovjerena kopija) ili skraćeni izvještaj nezavisne revizije za 2020. godinu (ovjerene kopije), u slučaju da nije urađen izvještaj nezavisne revizije za 2021. godinu;
9. Izjavu potpisanu od strane ovlaštene osobe o prihvatanju: „Nacrta ugovora o finansijskim uslugama vezanim uz kreditne garancije“.

Dokumenti od podtačke 1. do podtačke 5. moraju biti izdati od nadležnog sudskog ili upravnog organa, original ili ovjerena kopija i ne stariji od 90 (devedeset) dana.

**V. Kreditne garancije će se odobravati za kredite koji se otplaćuju u mjesečnim anuitetima za sljedeće namjene:**

1. Nabavka osnovnih sredstava i investiciona ulaganja,
2. Obrtna sredstva,
3. Ulaganje u poljoprivrednu proizvodnju.

**VI. Korisnici kreditnih garancija mogu biti pravna i fizička lica s područja Brčko distrikta BiH koji:**

- imaju sjedište preduzeća, preduzetnika ili poslovnih jedinica u Brčko distriktu BiH;
- su registrovani kao preduzeće, samostalni preduzetnik ili poslovna jedinica u skladu sa zakonima Brčko distrikta BiH;
- registrovanu djelatnost obavljaju na području Brčko distrikta BiH;
- fizička lica nosioci poljoprivrednih gazdinstava, koja imaju prebivalište u Brčko distriktu BiH i koja su upisana u Registar poljoprivrednih gazdinstava i Registar klijenata na području Brčko distrikta BiH.

**VII. Maksimalni iznosi kreditnih garancija**

Razvojno-garantni fond Brčko distrikta BiH će izdavati kreditne garancije za kreditne plasmane komercijalnih banaka za mala i srednja preduzeća, samostalne preduzetnike i registrovana poljoprivredna gazdinstva u Brčko distriktu BiH, u iznosu od 50% od nominalne vrijednosti kredita, pri čemu je:

1. Maksimalan iznos kreditne garancije za srednja preduzeća je 100.000,00 KM
2. Maksimalan iznos kreditne garancije za mala preduzeća je 50.000,00 KM;
3. Maksimalan iznos kreditne garancije za samostalne preduzetnike 25.000,00 KM;
4. Maksimalan iznos kreditne garancije za registrovana poljoprivredna gazdinstva je 15.000,00 KM.

**VIII. Uslovi za plasiranje kredita:**

1. Rok otplate kredita do 7 (sedam) godina,
2. Visina nominalne kamatne stope za kredite ne može biti veća od 8,00% na godišnjem nivou,
3. Visina nominalne kamatne stope za kredite može biti promjenljiva za vrijeme trajanja kredita ali ne može biti veća od 8% na godišnjem nivou,
4. Naknada za obradu kreditnog zahtjeva ne može biti veća od 1%,



5. Krediti se plasiraju u konvertibilnim markama i mogu biti vezani valutnom klauzulom za euro po kursu Centralne banke BiH na dan otplate kredita.

**IX. Ocjena ponude:**

Razvojno-garantnog fonda Brčko distrikta BiH će, u roku od 15 (petnaest) dana od dana prijema prijave, pregledati pristigle prijave, utvrditi da li je uz prijavu priložena potrebna dokumentacija i da li komercijalna banka ispunjava uslove za sklapanje ugovora.

U slučaju utvrđenih nedostataka, Banci se ostavlja rok od 8 dana da otkloni nedostatke.

U slučaju da Banka ne otkloni nedostatke u ostavljenom roku, prijava će biti odbačena.

Ugovor o finansijskim uslugama vezanim uz kreditne garancije Razvojno-garantni fond Brčko distrikta BiH će sa Bankom zaključiti u roku od 15 (petnaest) dana od dana donošenja odluke o dodjeli ugovora.

- X. Razvojno-garantni fond Brčko distrikta BiH će, sa bankama koje u predviđenom roku dostave prijave, zaključivati pojedinačne ugovore na period od 5 (pet) godina.

**XI. Rok trajanja javnog poziva:**

Javni poziv će biti otvoren od dana objavljivanja do 12:00 sati dana 10.11.2022. godine i biće službenim putem uručen svim komercijalnim bankama koje imaju poslovne jedinice (filijale, ekspoziture) u Brčko distriktu BiH, osim bankama koje imaju zaključene ugovore o finansijskim uslugama vezanim uz kreditne garancije sa Razvojno-garantnim fondom Brčko distrikta BiH.

Javni poziv će biti objavljen na oglasnoj tabli Razvojno-garantnog fonda Brčko distrikt BiH i web stanici „RGFBD“.

**XII. Priprema prijave:**

Banke su obavezne da pripreme prijave u skladu sa Javnim pozivu. Prijave koje nisu u skladu sa ovim Javnim pozivom će biti odbačene kao neprihvatljive.

Prijava treba da sadrži dokumenta koja su nabrojana u tački IV. Javnog poziva.

Sva dokumentacija treba da bude složena po redosljedju iz Javnog poziva (čvrsto uvezivanje nije potrebno).

**XIII. Dostavljanje prijave:**

Prijave na Javni poziv sa potrebnom dokumentacijom dostaviti Razvojno-garantnom fondu Brčko distrikta BiH, Ul. Cvijete Zuzorić b.b. (Zgrada „Šipad“), Brčko distrikt BiH najkasnije do 12:00 sati dana 10.11.2022. godine, sa naznakom: „PRIJAVA NA JAVNI POZIV ZA SKLAPANJE UGOVORA O FINANSIJSKIM USLUGAMA VEZANIM UZ KREDITNE GARANCIJE“.

**Napomena:** Javni poziv i „Nacrtni ugovora o finansijskim uslugama vezanim uz kreditne garancije“ mogu se preuzeti na web stranici: [www.rgfbd.com](http://www.rgfbd.com), u prostorijama Razvojno-garantnog fonda Brčko distrikta BiH, u Ul. Cvijete Zuzorić b.b. (Zgrada „Šipad“), Brčko distrikt BiH. Dodatne informacije se mogu dobiti na telefon 049/232-260.

Dostavljeno:

1. Pravobranilaštvo Brčko distrikta BiH,
2. Bankama,
3. Evidencija,
4. Arhiva.



Predsjednik  
Upravnog odbora:

*Zumka Grabus*

Zumka Grabus, prof.